

# 評審感言



曾昌發

今年客語散文社會組參賽个文章量無多，但係質當高；有愁慮，也有歡喜。

特別係〈水過千層岩〉這篇，無單淨客家漢字个運用又純又慶，還有文學个靚，佳句連連，更難得个係作者將苗栗个美景、人情、生活、歷史同山歌融做一首靚靚个史詩，分人神遊心開。〈種油桐花个細阿妹仔〉有血有肉，在父權社會之下，1個客家細阿妹仔，毋驚風雨，經霜耐雪、煞猛上進，將客家婦女个精神寫到害人目汁緊流。〈老古董〉係這擺唯一用饒平話來寫个好文章，懷舊味盡重，現代味也盡香，像一桌豐沛个客家菜。

分評審委員感覺遺憾个係：還有幾篇好文章，因為名額限制，只有忍等放棄。